


PËR TY QË S'FALESH



Jusuf
Hilmi
Kastrati



Titulli

Për ty që (s')falesh

Autor

Jusuf Hilmi Kastrati

Redaktor gjubësor

Jeton Koçinaj

Redaktor fetar

Burim Koçinaj

Ballina dhe radhija

DK Covers Line

Botimi i dytë

Shkurt, 2019

ISBN-978-9951-732-20-8

Copyright © Autori

E-mail: jusufi@gmail.com

ME EMRIN E ALLAHUT, TË
GJITHËMËSHIRSHMIT, MËSHIRËPLOTIT!

PARATHËNIE

Lavdërimet e plota i takojnë vetëm Allahut, Atë e falënderojmë dhe vetëm prej Tij kërkujmë ndihmë dhe falje. Atë që e udhëzon Allahu, nuk ka kush që e humb, kurse atë që Allahu e lë në humbje, nuk ka kush që e udhëzon. Dëshmoj se Allahu është i vetmi që meriton të adhurohet dhe se Muhamedi صلى الله عليه وسلم¹ është rob dhe i Dërguar i Tij.

Libri që keni para duarsh bën fjalë për shtyllën e dytë të fesë islame, për namazin. Jam përpjekur që në këtë libërth të paraqes dobitë më të rëndësishme të këtij ibadeti madhështor, duke sjellë dëshmi të ndryshme nga Kurani, nga hadithet e të Dërguarit të Allahut, Muhamedit صلى الله عليه وسلم, dhe nga thënie të dijetarëve. Por, megjithatë, realitetin e namazit mund ta kuptojë

¹ Sal-lallahu alejhi ue sel-lem (shqip: paqja dhe lavdërimi i Allahut qofshin mbi të).

vetëm ai që e zbaton atë në mënyrë të denjë. Kënaqësia të cilën besimtari e gjen në namaz dhe përgjithësisht në adhurim ndaj Allahut nuk mund të përshkruhet me fjalë. Për këtë arsye, njëri nga dijetarët thoshte: "Po ta dinin mbretërit dhe bijtë e tyre se në çfarë kënaqësie ndodhemi ne, do të na luftonin me shpata për të na e marrë atë."

Librin e kam ndarë në tridhjetë mësim. E veçanta e tij është se në çdo mësim kam përmendur nga një dilemë, që shejtani ua hedh njerëzve në mendje për t'i lënë sa më larg namazit, porse çdo dilemë i jam përgjigjur shkurtimisht, duke dëshmuar se në të vërtetë njeriu nuk ka arsye për të mos falur namazin.

Ju sugjeroj që çdo ditë të lexoni me vëmendje nga një mësim, në mënyrë që të mund të zbatoni sa më mirë këshillat dhe udhëzimet që gjenden në të.

Lus Allahun Fuqiplotë që kushdo që e lexon këtë libër të ketë dobi prej tij!

Autori

Mësimi i parë

NAMAZI ËSHTË LIDHJA E ROBIT ME KRIJUESIN

AJET KURANOR

Allahu i Madhërishëm thotë:

﴿قُلْ لِعِبَادِيَ الَّذِينَ آمَنُوا يُقِيمُوا الصَّلَاةَ﴾

"Thuaju robërve të Mi, të cilët
besojnë: Le të falin namazin..."
(Kurani, 14:31)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:
"Islami është ndërtuar mbi pesë (shtylla): (1) të
dëshmuarit se nuk meriton të adhurohet askush
përveç Allahut dhe se Muhamedi është i Dërguar i
Tij, (2) faljen e namazit, (3) dhënien e zekatit, (4)
haxhillëkun dhe (5) agjërimin e Ramazanit."

[E SHËNOJNË BUHARIU DHE MUSLIMI.]

URTËSI

Ibn Kajimi thoshte: "Namazi sjell furnizimin (rizkun), ruan shëndetin, shmang dëmin, përzë sëmundjet, forcon zemrën, shndrit fytyrën, kënaq shpirtin, flak përtacinë, gjallëron gjymtyrët, dhuron fuqi, zgjeron kraharorin, ushqen shpirtin, zbardh zemrën, ruan begatinë, largon ndëshkimin, tërheq bereqetin, të mban larg nga shejtani dhe të afron me të Gjithëmëshirshmin.

DILEMË

Namazi është i rëndë për t'u kryer (!)

Po të ishte namazi i vështirë, nuk do ta kryenin miliona njerëz. Përkundrazi, namazi, jo vetëm që është i lehtë, por është edhe shkak për lehtësimin e të gjitha punëve. Në të vërtetë, namazi është *çelësi i suksesit*.

KËSHILLË

Namazi është lidhja e robit me Krijuesin, andaj, nëse vërtet e do Zotin tënd, përgjigju thirrjes së Tij; fillo ta falësh namazin e mos e lër për nesër!

Mësimi i dytë

FALE NAMAZIN, QË TA FITOSH XHENETIN

AJET KURANOR

Allahu i Madhërishëm thotë:

﴿إِنِّي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي﴾

"Me të vërtetë, Unë jam Allahu, s'ka
zot tjetër përveç Meje, prandaj,
vetëm Mua më adhuro dhe kryej
faljen për të më kujtuar Mua!"
(Kurani, 20:14)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Allahu ia ka bërë detyrë Vetes të fusë në Xhenet
këdo që beson në Allahun dhe në të Dërguarin e Tij,
që e fal namazin dhe e agjëron Ramazanin."

[E SHËNON BUHARIU.]

URTËSI

Ibn Kajimi ka thënë: "Fshehtësia, shpirti dhe thelbi i namazit qëndron në kthimin e robit drejt Allahut me tërë qenien e tij. Ashtu siç nuk bën që robi teksa është në namaz ta largojë fytyrën nga kibla e ta kthejë në ndonjë anë tjetër, po ashtu nuk bën që ta kthejë zemrën nga dikush tjetër pos Allahut."

DILEMË

Kam turp të falem (!)

Ai që meriton më së shumti të kemi turp prej Tij pa dyshim që është Zoti ynë, i Cili na ka premtuar se, po qe se e falim namazin, do të na fusë në Xhenet, ku ka gjëra që syri s'i ka parë, veshi s'i ka dëgjuar e as që mund t'i marrë me mend dikush. Rrjedhimisht, ne duhet të turpërohemi nga Krijuesi ynë dhe ta falim namazin. Së këndejmi, në mes tjerash, turpemadh është pikërisht ai që s'falet.

KËSHILLË

Falu, që ta fitosh Xhenetin dhe të shpëtosh nga Zjarri!

Mësimi i tretë

BËHU PREJ ATYRE QË E FALIN SABAHUN

AJET KURANOR

Allahu i Madhërishëm thotë:

﴿أَقِمِ الصَّلَاةَ لِذُلُوكِ الشَّمْسِ إِلَى عَسَقِ اللَّيْلِ وَقُرْآنَ الْفَجْرِ إِنَّ قُرْآنَ
الْفَجْرِ كَانَ مَشْهُودًا﴾ ﴿٧٨﴾

"Kryeje namazin prej kthimit të Diellit (nga gjysma e qiellit) deri në errësirën e natës dhe këndo Kuran në agim; me të vërtetë, falja e mëngjesit është e dëshmuar (nga engjëjt)."
(Kurani, 17:78)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Ai që e fal sabahun, e ka garancinë e Allahut.”

[E SHËNON MUSLIMI.]

URTËSI

Hasen el Basriu thoshte: "O biri i Ademit! Në qoftë se e nënvlerëson namazin, cila çështje e fesë të qenka e rëndësishme?!"

DILEMË

Jam zemërmirë, ndaj nuk kam pse falem (!)

I Dërguari i Allahut, Muhamedi ﷺ, na ka treguar se, për çdo mëkat që bën njeriu, i vendoset nga një njollë e zezë në zemër... Atëherë, si mund të jetë zemërbardhë ai që së paku pesë herë në ditë e zezon zemrën e tij duke mos u falur, përkatësisht mëkaton ndaj Allahut?!

KËSHILLË

Bëhu prej atyre që e falin sabahun, në mënyrë që ta fitosh garancinë e Allahut, dhe kurrë mos e nënvlerëso namazin, sepse ai është shtylla e fesë.

Mësimi i katërt

PËRGATITU PËR DITËN KUR DO TË JAPËSH LLOGARI

AJET KURANOR

Allahu i Madhërishëm thotë:

﴿قُلْ إِنَّ هُدَى اللَّهِ هُوَ الْهُدَىٰ وَأْمُرْنَا لِنُسَلِّمَ لِرَبِّ الْعَالَمِينَ ﴿٧١﴾ وَأَنْ
أَقِيمُوا الصَّلَاةَ وَآتُوا الزَّكَاةَ وَهُوَ الَّذِي إِلَيْهِ تُحْشَرُونَ ﴿٧٢﴾﴾

“Thuaj: “Udhëzimi i Allahut është i vetmi udhëzim i drejtë! Ne jemi të urdhëruar t’i nënshtrohemi Zotit të botëve, të falim namazin dhe ta kemi frikë Atë.” Dhe është Ai, para të Cilit do të tuboheni.”
(Kurani, 6:71-72)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Gjëja e parë për të cilën robi do të merret në llogari Ditën e Gjykimit është namazi. Nëse atë e ka si

duhet, çdo gjë tjetër do ta ketë në rregull. Mirëpo, nëse atë nuk e ka si duhet, as punët e tjera s'do t'i ketë në rregull."

[E SHËNOJNË EBU DAVUDI, TIRMIDHIU DHE
NESAIU.]

URTËSI

Burhanudin el Bekaiu ka thënë: "Atij që i ruan namazet, Allahu ia përmirëson gjendjen në këtë botë dhe në botën e amshuar."

DILEMË

Ka kobë, falem kur të plakem (!)

Askush nuk e di si e kur do t'i vijë vdekja. Ajo nuk pyet moshë e as gjini. Vdekja vjen krejt papritmas, sidomos në kohën që po jetojmë tani, që, për shkak të sëmundjeve të shumta vdekjeprurëse e aksidenteve fatale, vdekja e të rinjve dhe të rejave është bërë më se normale. Andaj, rri i përgatitur në çdo moment, sepse vdekja ndjek shpirtin sikurse hija trupin.

KËSHILLË

Bëhu gati për Ditën kur do të japësh llogari. Në asnjë mënyrë mos e tako Allahun pa namaz; ngase do të jesh i dëshpëruar përherë!

Mësimi i pestë

SI MENDON TË TË SHLYHEN MËKATET PA U FALUR?

AJET KURANOR

Allahu i Madhërishëm thotë:

﴿وَأَقِمِ الصَّلَاةَ إِنَّ الصَّلَاةَ تَنْهَىٰ عَنِ الْفَحْشَاءِ وَالْمُنْكَرِ﴾

"Dhe fale namazin! Vërtet që namazi
të ruan nga shthurja dhe nga çdo
vepër e shëmtuar..."
(Kurani, 29:45)

THËNIE PROFETIKE

I Dërguari i Allahut, Muhamedi صلی اللہ علیہ وسلم, shokëve të vet
u kishte thënë: "*Çka mendoni, sikur para derës së ndonjërit
prej jush të ishte një lumë, ku ai do të lahej pesë herë në ditë, a
do t'i mbetej ndonjë ndyrësi në trup?*" Ata thanë: "*Nuk do të
mbetej as edhe një ndyrësi e vetme.*" Atëherë i Dërguari صلی اللہ علیہ وسلم
u tha: "*Kjo u shëmbëllen pesë kohëve të namazit, me të cilat
Allahu i pastron mëkatet.*"

[E SHËNOJNË BUHARIU DHE MUSLIMI.]

URTËSI

Ibn Xhuzeji ka thënë: "Nëse njeriu është i përvuilur në namaz dhe kujton madhështinë e Atij para të Cilit është duke qëndruar, kjo bën që ai të pendohet nga punët e ndyra e të shëmtuara. Rrjedhimisht, namazi e ndalon atë nga veprat e këqija."

DILEMË

E si të fales, kur jam gjynahqar (!)

Nëse pendohesh dhe e fal namazin, Allahu do të t'i shlyejë të gjitha mëkatet, por, nëse vazhdon të mos falesh, gjynahet e tua do të të mbulojnë të tërin.

KËSHILLË

Vallë, ende mendon se një ditë do të të shlyben mëkatet, ndërkohë vazhdon të mos falesh?!

Mësimi i gjashtë

ASNJËHERË MOS E LËR NAMAZIN E XHUMASË

AJET KURANOR

Allahu i Madhërishëm thotë:

﴿وَالَّذِينَ يُمَسِّكُونَ بِالْكِتَابِ وَأَقَامُوا الصَّلَاةَ إِنَّا لَا نَضِيعُ أَجْرَ
الْمُصْلِحِينَ﴾

"Ata që u përmbahen thënieve të
Librit dhe që e kryejnë namazin, ta
dinë se Ne, pa dyshim, nuk do t'ua
humbim shpërblimin punëmirëve."

(Kurani, 7:170)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Pesë namazet ditore, prej njërit deri te tjetri, namazi
i xhumasë, prej njërit deri te tjetri, dhe Ramazani,
prej njërit deri në Ramazanin tjetër, shlyejnë gjynahet

që janë në mes tyre, nëse ruheni prej mëkateve të mëdha.”

[E SHËNON MUSLIMI.]

URTËSI

Ibn Mesudi, Allahu qoftë i kënaqur me të!, thoshte: "Ai që fal namaz, troket në derën e Mbretit (Allahut) dhe, kujtdo që vazhdon së trokituri në atë derë, një ditë do t'i hapet."

DILEMË

Nuk mund të falem, sepse s'mund të heq dorë nga gjynabet (!)

Për asnjë arsye mos e lër namazin! Falu, edhe në qofsh mëkatari më i madh! Nëse e fal namazin, Allahu do të të ndihmojë të bëhesh besimtar i denjë dhe të largohesh nga punët e këqija.

KËSHILLË

Asnjëherë mos e lër namazin javor, atë të xhumasë, por fale, që ta fitosh mëshirën dhe kënaqësinë e Zotit tënd Bujar!

Mësimi i shtatë

MOS LEJO QË PASURIA DHE FAMILJA TË TË LARGOJNË NGA NAMAZI

AJET KURANOR

Allahu i Madhërishëm thotë:

﴿يَا أَيُّهَا الَّذِينَ آمَنُوا لَا تُلْهِكُمْ أَمْوَالُكُمْ وَلَا أَوْلَادُكُمْ عَنْ ذِكْرِ اللَّهِ
وَمَنْ يَفْعَلْ ذَلِكَ فَأُولَئِكَ هُمُ الْخَاسِرُونَ﴾^①

“O besimtarë, mos lejoni që pasuria dhe fëmijët tuaj t’ju largojnë nga të përmendurit e Allahut. Ata që e bëjnë këtë, do të humbin.”

(Kurani, 63:9)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Kur njeriu bie në gjumë, shejtani ia lidh në kokë tri nyja dhe i thotë: ‘Fli, ngase ke natë të gjatë përpara!’ Nëse ngrihet dhe e përmend Allahun, i zgjidhet njëra nyjë; nëse merr avdes, i zgjidhet tjetra; nëse ngrihet

dhe e fal namazin, i zgjidhen të gjitha nyjat dhe bëhet aktiv e shpirtdëlirë. Në të kundërtën, bëhet shpirtlig dhe përtac.”

[E SHËNOJNË BUHARIU DHE MUSLIMI.]

URTËSI

Ata ibn Rabahu ka thënë: “Me të përmendurit e Allahut (nënvizuar në ajetin e mësipërm) është për qëllim namazi i detyrueshëm.”

DILEMË

Jam i zënë, nuk kam kohë për namaz (!)

Namazi i detyrueshëm nuk të merr kohë më shumë se pesë minuta. Për t’i falur pesë kohët të nevojiten vetëm 30 minuta brenda 24 orësh. Pyete veten se sa orë i harxhon në gjëra të kota...! Vallë, nuk mundke të ndash një gjysmë ore për Krijuesin tënd?!

KËSHILLË

Mos lejo që familja a pasuria që ta ka dhënë Allahu të bëhen shkak që të largohesh nga namazi! Kundrejt asnjë çmimi mos lejo veten të bëhesh i përhumbur.

Mësimi i tetë

KURRSESI MOS E HUMB NAMAZIN E IKINDISË

AJET KURANOR

Allahu i Madhërishëm thotë:

﴿حَافِظُوا عَلَى الصَّلَوَاتِ وَالصَّلَاةِ الْوُسْطَىٰ وَقُومُوا لِلَّهِ قَانِتِينَ﴾ (238)

"Faleni rregullisht namazin, sidomos atë të mesmin dhe qëndroni me devotshmëri para Allahut, duke iu lutur Atij."
(Kurani, 2:238)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Nëse ndokujt i ikën namazi i ikindisë pa e falur, kjo është për të sikurse t'i kishin humbur familja dhe pasuria e tij."

[E SHËNON BUHARIU.]

URTËSI

Omeri, Allahu qoftë i kënaqur me të!, thoshte: "Gjëja më e rëndësishme për mua është namazi. Ai që e ruan atë, e ka ruajtur fenë e tij, kurse ai që e humb atë, punët e tjera i humb edhe më lehtë."

DILEMË

Dua të falem, por kam frikë mos po e lë dikur namazin (!)

Në qoftë se ende nuk falesh, ti tashmë ashtu se ashtu e ke lënë namazin, por, kur fillon të falesh dhe ta shijosh kënaqësinë e namazit, më nuk do të mund të ndahesh prej tij.

KËSHILLË

Kurrsesi mos e humb namazin e mesëm, atë të ikindisë; ta ruash si sytë e ballit!

Mësimi i nëntë

FALE NAMAZIN E SABAHUT DHE
ATË TË IKINDISË, QË TA SHOHËSH
ZOTIN NË JETËN E AMSHUAR

AJET KURANOR

Allahu i Madhërishëm thotë:

﴿فَاصْبِرْ عَلَىٰ مَا يَقُولُونَ وَسَبِّحْ بِحَمْدِ رَبِّكَ قَبْلَ طُلُوعِ الشَّمْسِ وَقَبْلَ
الْغُرُوبِ﴾

"Andaj, duroje atë që thonë ata,
madhëroje Zotin tënd e falënderoje
Atë para lindjes së diellit dhe para
perëndimit."
(Kurani, 50:39)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Do ta shihni Zotin tuaj siç po e shihni Hënën: s’do të shtyheni për ta shikuar Atë. Andaj, ai që mund ta ruajë namazin para lindjes së diellit dhe atë para

perëndimit, le ta bëjë!” Pastaj lexoi: “... madhëroje Zotin tënd e falënderoje Atë para lindjes së diellit dhe para perëndimit.” (Kaf, 39)

[E SHËNOJNË BUHARIU DHE MUSLIMI.]

URTËSI

Vehb ibn Munebihi thoshte: "Është çudi me njerëzit! Qajnë për atë që i vdes trupi (kur jep shpirt), e nuk qajnë për atë që i vdes zemra (si pasojë e mosfaljes së namazit), gjë që është më e rëndë."

DILEMË

Nëse falem, do të më quajnë ekstremist (!)

Ekstremist i vërtetë është ai që tregohet kokëlartë kundrejt Zotit të vet, duke mos përfillur urdhrat e Tij dhe duke penguar njerëzit nga feja e drejtë. Kështu që, nëse ndokush të quan ekstremist, duro për hir të Zotit tënd dhe mos ua vër veshin fjalëve të njerëzve, sepse ata do të pendohen për mosbindje ndaj Zotit të tyre.

KËSHILLË

Fale namazin e sababut dhe atë të ikindisë, që ta shohësh Zotin tënd! Të parët në fytyrën e Krijuesit është kënaqësia më e madhe që ekziston, andaj mos e humb atë!

Mësimi i dhjetë

NËSE E DËSHIRON NDIHMËN E ALLAHUT, FALE NAMAZIN DHE JI I DURUESHËM

AJET KURANOR

Allahu i Madhërishëm thotë:

﴿وَأَسْتَعِينُوا بِالصَّبْرِ وَالصَّلَاةِ وَإِنَّهَا لَكَبِيرَةٌ إِلَّا عَلَى الْخَاشِعِينَ ﴿٤٥﴾ الَّذِينَ يَظُنُّونَ أَنَّهُمْ مُلَاقُوا رَبِّهِمْ وَأَنَّهُمْ إِلَيْهِ رَاجِعُونَ ﴿٤٦﴾﴾

"Kërkoni ndihmën e Allahut me durim e me namaz! Kjo është njëmend e vështirë, përveçse për të përlurrit, që janë të bindur se do të takojnë Zotin e tyre dhe se do të kthehen tek Ai."
(Kurani, 2:45-46)

THËNIE PROFETIKE

Muadh ibn Xhebeli, *Allahu qoftë i kënaqur me të!*, ka treguar se ka thënë:

“O i Dërguari i Allahut! Më trego një punë që më çon në Xhenet dhe që më largon nga Zjarri!” Ai tha: "Vërtet ke kërkuar një çështje të madhe, që është e lehtë vetëm për atë të cilit Allahu ia lehtëson: ta adhurosh Allahun pa i shoqëruar asgjë në adhurim, ta falësh namazin, ta japësh zekatin, ta agjërosh Ramazanin dhe ta kryesh haxhillëkun."

[E SHËNON TIRMIDHIU.]

URTËSI

Merueziu thoshte: "Madhërojeni namazin, të cilin e ka madhëruar Allahu i Madhërishëm."

DILEMË

Nuk mund të falem, se jam i sëmurë (!)

Allahu nuk e ka liruar nga moskryerja e namazit as të sëmurin, as udhëtarin, madje as atë që lufton në rrugën e Tij. Në rast se ndokush nuk mund të falet në këmbë, atëherë duhet të falet ulur, e, nëse nuk mundet as ulur, atëherë falet shtrirë, por në asnjë rrethanë nuk lirohet nga namazi. Vetëm i çmenduri nuk e ka për detyrë të falet.

KËSHILLË

Nëse e dështon ndihmën e Allahut, fale namazin dhe jë i durueshëm! Kështu arrihet fitorja e vërtetë!

Mësimi i njëmbëdhjetë

FALE GJITHNJË ME XHEMAT NAMAZIN E SABAHUT DHE ATË TË JACISË

AJET KURANOR

Allahu i Madhërishëm thotë:

﴿إِنَّمَا وَلِيُّكُمُ اللَّهُ وَرَسُولُهُ وَالَّذِينَ آمَنُوا الَّذِينَ يُقِيمُونَ الصَّلَاةَ وَيُؤْتُونَ
الزَّكَاةَ وَهُمْ رَاكِعُونَ﴾

"Miqtë dhe mbrojtësit tuaj janë
vetëm Allahu, i Dërguari i Tij dhe
besimtarët që falin namazin dhe
japin zekatin, duke qenë të përlurur
(në adhurim) ndaj Allahut."
(Kurani, 5:55)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Ai që e fal jacinë me xhemat, konsiderohet sikurse
ta ketë kaluar gjysmën e natës në namaz; ndërkaq, ai

që e fal (edhe) sabahun me xhemat, konsiderohet sikurse ta ketë kaluar tërë natën në namaz.”

[E SHËNON MUSLIMI.]

URTËSI

Ibn Omeri, Allahu qoftë i kënaqur me të!, thoshte: "Për atë që mungonte në faljen e namazit të jacisë dhe sabahun me xhemat, kishim frikë se ka rënë në hipokrizi."

DILEMË

Nëse falem, do të më humbë respekti në shoqëri (!)

Përkundrazi, Allahu e ngrit falësin e namazit dhe e bën të respektueshëm në mesin e njerëzve. Madje, krahas kësaj, ai fiton edhe shokë të tjerë, të cilët e duan thjesht për Allahun, pa kurrfarë interesi të kësaj bote.

KËSHILLË

Namazin e sabahun dhe atë të jacisë fale gjithnjë me xhemat e në xhami, që të fitosh shpërblime madhështore nga Zoti yt dhe të jesh i ruajtur nga hipokrizia!

Mësimi i dymbëdhjetë

FALE NAMAZIN, QË ALLAHU TË T'I SHLYEJË GJYNAHET PËRMES TIJ

AJET KURANOR

Allahu i Madhërishëm thotë:

﴿وَأَقِمِ الصَّلَاةَ طَرَفِي النَّهَارِ وَزُلْفًا مِنَ اللَّيْلِ إِنَّ الْحَسَنَاتِ يُذْهِبُنَّ
السَّيِّئَاتِ ذَلِكَ ذِكْرَى لِلذَّاكِرِينَ﴾

“Fale namazin në mëngjes e
mbrëmje dhe në një kohë të natës,
sepse veprat e mira i shlyejnë veprat
e këqija. Kjo këshillë vlen për ata që i
pranojnë këshillat.”
(Kurani, 11:114)

THËNIE PROFETIKE

Ibn Mesudi, Allahu qoftë i kënaqur me të!, ka thënë:
"Një njeri kishte puthur një grua (të huaj) dhe më pas
kishte vajtur (i penduar) te Pejgamberi صلى الله عليه وسلم dhe e
kishte njoftuar për mëkatin që kishte bërë. Atëherë,
Allahu i Madhëruar zbriti ajetin: “Fale namazin në

mëngjes e mbrëmje dhe në një kohë të natës, sepse veprat e mira i shlyejnë veprat e këqija.” (Kurani, 11:114) Burri pyeti: "O i Dërguari i Allahut! A vlen kjo vetëm për mua?" Ai i tha: "Vlen për gjithë umetin tim."

[E SHËNOJNË BUHARIU DHE MUSLIMI.]

URTËSI

Ibn Kajimi thoshte: "Teksa robi gjendet në namaz, kibël të fytyrës dhe trupit le ta ketë Qabenë, kurse kibël të zemrës dhe shpirtit le ta ketë Zotin e Qabesë."

DILEMË

Namazi është i vështirë për t'u mësuar (!)

Namazi mësohet shumë lehtë, sepse është diçka që përsëritet vazhdimisht. Posa të fillosh ta mësosh, do të bindesh në këtë që po lexon.

KËSHILLË

Askush nga ne nuk shpëton nga mëkatimi, andaj falu, që Allahu të t'i shlyejë gjynabet përmes namazit, sepse veprat e mira i shlyejnë të këqijat!

Mësimi i trembëdhjetë

ÇDO TË PREMTE PASTROHU, VISHU BUKUR DHE FALE XHUMANË

AJET KURANOR

Allahu i Madhërishëm thotë:

﴿يَا أَيُّهَا الَّذِينَ آمَنُوا إِذَا نُودِيَ لِلصَّلَاةِ مِنْ يَوْمِ الْجُمُعَةِ فَاسْعَوْا إِلَىٰ ذِكْرِ
اللَّهِ وَذَرُوا الْبَيْعَ ذَلِكُمْ خَيْرٌ لَكُمْ إِنْ كُنْتُمْ تَعْلَمُونَ﴾⁽¹⁾

"O besimtarë, kur të thirreni për (të falur) namazin (e xhumasë) në ditën e premte, nxitoni për ta përmendur Allahun dhe pezulloni tregtinë! Kjo, që ta dini, është më mirë për ju!"
(Kurani, 62:9)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Atij që lahet (tërësisht - merr gusël), pastaj shkon për ta falur namazin e xhumasë dhe falet aq sa i është caktuar të falet, dëgjon me vëmendje hytben derisa të

mbarojë, mandej falet pas imamit, do t'i falen mëkatet e bëra mes dy xhumave dhe të tri ditëve pas tyre."

[E SHËNON MUSLIMI.]

URTËSI

Euzaiu thoshte: "Nuk duhet dëgjuar prindi nëse urdhëron të lihet namazi i xhumasë ose namazi me xhemat."

DILEMË

Do të falem pasi ta mësoj namazin (!)

Fillo të falesh që tani, e mos bjer në kurthet e shejtanit! Falu, qoftë edhe duke shikuar në ndonjë libër ose letër në të cilën sqarohet mënyra e faljes, derisa të mësohesh.

KËSHILLË

Çdo të premtë pastrohu tërësisht, vish rroba të bukura, shko në xhami për të falur namazin e xhumasë dhe dëgjoje hytben me kujdes, që të fitosh faljen e të Gjithëmëshirshmit!

Mësimi i katërbëdhjetë

MERR AVDES, SHKO NË XHAMI DHE
FALU DUKE QENË I PËRULUR

AJET KURANOR

Allahu i Madhërishëm thotë:

﴿يَا أَيُّهَا الَّذِينَ آمَنُوا ارْكَعُوا وَاسْجُدُوا وَعِبُدُوا رَبَّكُمْ وَأَفْعَلُوا الْخَيْرَ
لَعَلَّكُمْ تُفْلِحُونَ﴾ (٧٧)

"O besimtarë! Përkuluni dhe
pëkuluni në sexhde (para Allahut)!
Adhuroni Zotin tuaj dhe bëni vepra
të mira për të arritur shpëtimin!"
(Kurani, 22:77)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Sa herë që një musliman e zë ndonjë namaz i
detyrueshëm dhe merr avdes si duhet, përulet në
namaz dhe bën rukutë në mënyrë të denjë, atij i falen

mëkatet e mëparshme, nëse ruhet nga mëkatet e mëdha. Kjo vlen përgjithmonë."

[E SHËNON MUSLIMI.]

URTËSI

Ibn Ashuri, lidhur me ajetin e mësipërm, ka thënë: "Këtu, me ruku (përkulje) dhe sexhde, është për qëllim namazi. Allahu ka veçuar rukunë dhe sexhden nga veprat e tjera të namazit sepse janë shtyllat kryesore të namazit, ngaqë përmes tyre shfaqet më së shumti përvullësia dhe adhurimi."

DILEMË

Përtoj të marr avdes, prandaj s'falem (!)

Avdesi freskon trupin dhe shpirtin, sjell shpërblime të mëdha dhe shlyen mëkatet. Ai që përsiat mirësitë e tij, asnjëherë nuk përton të marrë avdes.

KËSHILLË

Merr avdes si duhet, shko në xhami dhe fale namazin duke qenë i përvullur!

Mësimi i pesëmbëdhjetë

NAMAZI ËSHTË SHKAK PËR TEJKALIMIN E VËSHTIRËSIVE

AJET KURANOR

Allahu i Madhërishëm thotë:

﴿يَا أَيُّهَا الَّذِينَ آمَنُوا اسْتَعِينُوا بِالصَّبْرِ وَالصَّلَاةِ إِنَّ اللَّهَ مَعَ
الصَّابِرِينَ﴾⁽¹⁵³⁾

"O besimtarë! Kërkoni ndihmë për
veten nëpërmjet durimit dhe
namazit! Në të vërtetë, Allahu është
me të duruarit."
(Kurani, 2:153)

THËNIE PROFETIKE

Hudhejfe ibn Husejni, Allahu qoftë i kënaqur me të!,
thoshte: "Kur të Dërguarit të Allahut صلی الله
عليه وسلم i
vështirësohej ndonjë çështje, falte namaz."

[E SHËNOJNË EBU DAVUDI, AHMEDI DHE
NESAIU.]

URTËSI

Abdurrahman es Sadi ka thënë: "Nëse namazi i robit është i plotë, gjegjësisht i përfshin gjërat e detyrueshme, të pëlqyeshmet dhe praninë e zemrës, atëherë nuk ka dyshim se namazi i tillë është një prej shkaqeve që më së shumti e ndihmon njeriun në të gjitha çështjet."

DILEMË

Namazi më vë pengesa në jetë (!)

Namazi është prej shkaqeve kryesore për lehtësimin dhe tejkalimin e të gjitha vështirësive. Pra, namazi sjell gjithnjë lehtësimin dhe asnjëherë vështirësinë. Kushdo që e ka provuar, është bindur në këtë.

KËSHILLË

Falu dhe bëj durim, sepse vetëm kështu arrihet ndihma e Allahut!

Mësimi i gjashtëmbëdhjetë

JEPJA BESËN ALLAHUT SE DO TA FALËSH RREGULLISHT NAMAZIN

AJET KURANOR

Allahu i Madhërishëm thotë:

﴿قَدْ أَفْلَحَ مَنْ تَزَكَّى ۝ وَذَكَرَ اسْمَ رَبِّهِ فَصَلَّى ۝﴾ بَلْ تُؤْثِرُونَ الْحَيَاةَ
الدُّنْيَا ۝ وَالْآخِرَةَ خَيْرٌ وَأَبْقَى ۝﴾

"I shpëtuar është ai që pastrohet, që e përmend emrin e Zotit të vet dhe që fal namaz! Por ju, përkundrazi, më shumë po e parapëlqeni jetën e kësaj bote, ndonëse jeta tjetër është më e mirë dhe e amshuar."

(Kurani, 87:14-17)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Allahu i Madhërishëm ka thënë: "Unë ia kam bërë detyrë umetit tënd pesë namaze dhe kam dhënë

besën se, kushdo që i ruan ato, duke i falur në kohën e tyre, do ta fus në Xhenet, kurse për atë që nuk i ruan ato, nuk kam dhënë besë."

[E SHËNOJNË EBU DAVUDI DHE IBN MAXHE.]

URTËSI

Ibn Ashuri thoshte: "Allahu (në ajetin e mësipërm) ka përmendur pastrimin para përmendjes së Zotit dhe namazit, për shkak se ai është thelbi i këtyre veprave. Kjo, se, kur pastrohet shpirti, në të ndriçon nuri i udhëzimit, rrjedhimisht e kupton vlerën dhe dobitë e këtyre veprave (dhikrit dhe namazit), andaj i shton ato."

DILEMË

Nesër do të filloj të falem (!)

E kush të siguron ty se do ta arrish ditën e nesërme? Mos harro asnjëherë, vdekja vjen papritmas! Të shumtën e herëve lënia e një mirësie për nesër është kurth i shejtanit që të mos fillosh sot mbarësinë.

KËSHILLË

Allahu ka dhënë besën se do ta fusë në Xhenet atë që i fal pesë namazet e detyrueshme ditore, andaj jepja edhe ti besën Allahut se do të kujdesesh për namazin, në mënyrë që Allahu të të bëjë banor të Xhenetit, sepse Ai nuk e thyen premtimin!

Mësimi i shtatëmbëdhjetë

FALI PESË NAMAZET DITORE, QË TË JESH I LUMTUR NË KËTË BOTË DHE NË TJETRËN

AJET KURANOR

Allahu i Madhërishëm thotë:

﴿لَيْنِ أَقَمْتُمُ الصَّلَاةَ وَآتَيْتُمُ الزَّكَاةَ وَآمَنْتُمْ بِرُسُلِي وَعَزَّرْتُمُوهُمْ وَأَقْرَضْتُمُ
اللَّهَ قَرْضًا حَسَنًا لَأُكَفِّرَنَّ عَنْكُمْ سَيِّئَاتِكُمْ وَلَأُدْخِلَنَّكُمْ جَنَّاتٍ
تَجْرِي مِنْ تَحْتِهَا الْأَنْهَارُ﴾

"Në qoftë se do të kryeni namazin,
do të jepni zekatin, do të besoni të
dërguarit e Mi, do t'i ndihmoni ata
dhe do t'i jepni vullnetarisht hua
Allahut, atëherë, patjetër që Unë do
t'ju shlyej gjynahet dhe do t'ju shpie
në kopshte, nëpër të cilat rrjedhin
lumenj."
(Kurani, 5:12)

THËNIE PROFETIKE

Një njeri e kishte pyetur të Dërguarin e Allahut ﷺ duke i thënë:

"Në qoftë se unë i fal namazet e detyrueshme, e agjëroj Ramazanin, hallallin e quaj hallall e haramin haram dhe nuk shtoj asgjë tjetër, a do të hyj në Xhenet? I Dërguari i tha: "Po."

[E SHËNON MUSLIMI.]

URTËSI

Ibn Kajimi thoshte: "Aq sa kthehet robi nga Allahu në namazin e tij, po aq kthehet Allahu nga ai. E, nëse robi ia kthen shpinën Allahut, edhe Ai do t'ia kthejë shpinën atij."

DILEMË

Namazi më privon nga kënaqësitë e kësaj bote (!)

Kur është fjala për gjërat e lejuara, që janë kënaqësi të vërteta e jo të rreme, namazi nuk e pengon njeriun nga asnjëra prej tyre. Madje, në të vërtetë, askush nuk mund ta arrijë kënaqësinë e vërtetë pa e falur namazin.

KËSHILLË

Nëse po e kërkon lumturinë e vërtetë, adresa është falja e pesë namazeve të detyrueshme ditore, sepse namazi është sinonim i kënaqësisë dhe ekstazës shpirtërore.

Mësimi i tetëmbëdhjetë

MËSOJE FAMILJEN TËNDE QË TË FALIN NAMAZIN

AJET KURANOR

Allahu i Madhërishëm thotë:

﴿وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا نَحْنُ نَرْزُقُكَ
وَالْعَاقِبَةُ لِلتَّقْوَى﴾ (١٣٢)

“Urdhëroje familjen tënde që të falë
namazin dhe këmbëngul për këtë!
Ne nuk të kërkojmë ty ndonjë
ushqim (rizk): jemi Ne që të
ushqejmë! Përfundimi i lumtur
qëndron në frikën ndaj Allahut.”
(Kurani, 20:132)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

"Urdhëroni fëmijët tuaj të falin namazin kur t'i
mbushin shtatë vjet..."

[E SHËNOJNË EBU DAVUDI, TIRMIDHIU DHE AHMEDII.]

URTËSI

Kurtubiu, lidhur me ajetin e mësipërm, ka thënë:

"Pjesa Ne nuk të kërkojmë ty ndonjë ushqim (rizk) domethënë: Ne nuk kërkojmë nga ti që ta furnizosh as veten, as familjen tënde, e ta lësh namazin për shkak të kërimit të ushqimit, ngaqë Ne (Allahu) e kemi marrë përsipër furnizimin tënd dhe të atyre."

DILEMË

Më duhet ta mbaj familjen, ndaj s'mund të falen (!)

Allahu është Ai që të furnizon ty dhe familjen tënde. Madje, çdo dhunti që kemi, është nga Allahu, andaj duhet ta falënderojmë për këtë. Pos kësaj, namazi është një prej shkaqeve të shtimit të furnizimit, prandaj, si ka mundësi ta pakojë atë?!

KËSHILLË

Urdhëroje familjen tënde që të falen! Nëse të kundërshtojnë, kurrësi mos u dëshpëro e mos u spraps, por vazhdo t'i thërrasësh në namaz me urtësi dhe gjithnjë lute Allahun t'i udhëzojë ata.

Mësimi i nëntëmbëdhjetë

ASNJËHERË MOS E HARRO QËLLIMIN E KRIJIMIT

AJET KURANOR

Allahu i Madhërishëm thotë:

﴿فِي بُيُوتٍ أُذِنَ لِلَّهِ أَنْ تُرْفَعَ وَيُذْكَرَ فِيهَا اسْمُهُ يُسَبِّحُ لَهُ فِيهَا بِالْغُدُوِّ
وَالْآصَالِ ﴿٣٦﴾ رِجَالٌ لَا تُلْهِيهِمْ تِجَارَةٌ وَلَا بَيْعٌ عَنْ ذِكْرِ اللَّهِ وَإِقَامِ
الصَّلَاةِ﴾

“Në xhamitë, që Allahu ka urdhëruar të ngrihen e të përmendet aty emri i Tij, Atë e lavdërojnë në mëngjes dhe mbrëmje njerëz, të cilët shitblerja nuk i pengon për të përmendur Allahun dhe të cilët falin namazin...”

(Kurani, 24:36-37)

THËNIE PROFETIKE

I Dërguari i Allahut, Muhamedi ﷺ, ka thënë:

“Namazi që falet me xhemat është njëzet e pesë herë më i mirë sesa namazi që falet në shtëpi ose në vendin e punës. Kjo është kështu, ngase, kur njeriu e përkryen avdesin dhe niset për në xhami me qëllim që ta falë namazin, për çdo hap që bën, i ngrihet një shkallë dhe i fshihet një mëkat. Teksa është në namaz, engjëjt pareshtur luten për të, duke thënë: “O Zot, mëshiroje atë!”, derisa nuk e prish avdesin. Madje, konsiderohet se është në namaz edhe gjatë pritjes së vetë namazit.”

[E SHËNON BUHARIU.]

URTËSI

Sufjan eth Theuriu, lidhur me ajetin e mësipërm, ka thënë: "Ndonëse blinin e shisnin, shitblerja nuk i pengonte nga koha e namazit."

DILEMË

S'kam kohë të falem, dubet të punoj, se edhe puna është farz (!)

Nuk ka njeri në botë që punon 24 orë në ditë pandërprerë. Ai medoemos ndan një kohë për të ngrënë, për të fjetur, për të kryer nevojat fiziologjike etj. E, meqë është kështu, atëherë le t'i ndajë edhe nga pesë minuta për të kryer namazin.

KËSHILLË

Qëllimi i krijimit të njeriut është adhurimi i Allahut, kështu që asnjëherë mos e harro qëllimin e krijimit e të shkujdesesh ndaj namazit, sepse do të bëbesh pishman!

Mësimi i njëzetë

FALE NAMAZIN, QË ËSHTË NUR, E MOS RRI NË TERR

AJET KURANOR

Allahu i Madhërishëm thotë:

﴿فَخَلَفَ مِنْ بَعْدِهِمْ خَلْفٌ أَضَاعُوا الصَّلَاةَ وَاتَّبَعُوا الشَّهْوَاتِ فَسُوفَ
يَلْقَوْنَ غِيًّا ﴿٥٩﴾ إِلَّا مَنْ تَابَ وَآمَنَ وَعَمِلَ صَالِحًا فَأُولَٰئِكَ يَدْخُلُونَ الْجَنَّةَ
وَلَا يُظْلَمُونَ شَيْئًا ﴿٦٠﴾﴾

“Pas tyre erdhën brezni, që e braktisën faljen e namazit dhe ndoqën epshet e veta. Ata do të pësojnë dënimin e madh, përveç atyre që pendohen, që besojnë dhe bëjnë punë të mirë. Këta do të hyjnë në Xhenet dhe nuk do t’u bëhet kurrfarë padrejtësie.”

(Kurani, 19:59-60)

THËNIE PROFETIKE

I Dërguari i Allahut, Muhamedi ﷺ, ka thënë:

"Për atë që e ruan (kujdeset për) namazin, ai do të jetë dritë, argument dhe shpëtim në Ditën e Gjykimit. Ndërkaq, për atë që nuk e ruan, nuk do të jetë as dritë, as argument, as shpëtim në Ditën e Gjykimit, ndaj do të ringjallet me Faraonin, Karunin, Hamanin e Ubej ibn Halefin."

[E SHËNOJNË AHMEDI, IBN HIBANI DHE
BEJHAKIU.]

URTËSI

Ibn Kethiri ka thënë: "Ata që i humbin (braktisin) namazet, obligimet e tjera fetare i humbin edhe më lehtë, sepse namazi është shtylla e fesë dhe puna më e mirë që e bëjnë njerëzit."

DILEMË

Nëse falem, thellohem në fe (!)

Nuk ka asgjë të keqe nëse njeriu thellohet në fe, sepse feja në të vërtetë është sistem jete. Islami nuk kërkon nga ne t'i përkushtohemi vetëm adhurimit e të shmangemi nga kënaqësitë e kësaj bote dhe t'i

lëmë anash obligimet që kemi ndaj familjes, shoqërisë, e kështu me radhë. Madje, një gjë e tillë është e ndaluar dhe e përbuzur në Islam.

KËSHILLË

I Dërguari i Allahut, Muhamedi ﷺ, ka thënë: "Namazi është dritë." Prandaj, o ti që nuk i kushton rëndësi namazit, fale namazin, e mos rri në terr!

Mësimi i njëzetënjëtë

DY REKATE JANË MË TË VLEFSHME SE KJO BOTË DHE Ç'KA NË TË

AJET KURANOR

Allahu i Madhërishëm thotë:

﴿وَأَقِيمُوا الصَّلَاةَ وَآتُوا الزَّكَاةَ وَمَا تُقَدِّمُوا لِأَنفُسِكُمْ مِنْ خَيْرٍ تَجِدُوهُ
عِنْدَ اللَّهِ إِنَّ اللَّهَ بِمَا تَعْمَلُونَ بَصِيرٌ﴾

"Faleni namazin dhe jepeni zekatin!
Çfarëdo të mire që të bëni për
shpirtin tuaj, do ta gjeni tek Allahu.
Në të vërtetë, Ai sheh mirë gjithçka
që bëni."
(Kurani, 2:110)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Dy rekatet e namazit të sabahut janë më të
dobishme se kjo botë dhe ç'ka në të.”

[E SHËNON MUSLIMI.]

URTËSI

Hasen el Basriu thoshte: "Namazi është puna më e mirë. Andaj, kush të dojë, le ta shtojë, e, kush të dojë, le ta pakësojë."

DILEMË

Nuk mund ta lë gjumin për të falur namazin (!)

Kur është fjala për punë, njeriu e lë gjumin dhe fare nuk ankohet. Ndërkaq, për namaz ankohet, ndonëse namazi nuk merr shumë kohë. Andaj, le ta shkurtojë gjumin së paku ca minuta, që ta kryejë detyrën e vet ndaj Krijuesit, i Cili i ka dhuruar çdo mirësi.

KËSHILLË

Kur dy rekatet sunet të namazit të sabahut vlejné më shumë se kejo botë dhe ç'ka në të, atëherë paramendoje çfarë vlere të madhe ka namazi farz (i detyrueshëm)!

Mësimi i njëzetedytë

KALOJI NETËT E RAMAZANIT ME NAMAZ E LEXIM KURANI

AJET KURANOR

Allahu i Madhërishëm thotë:

﴿كَانُوا قَلِيلًا مِّنَ اللَّيْلِ مَا يَهْجَعُونَ ﴿١٧﴾ وَبِالْأَسْحَارِ هُمْ يَسْتَغْفِرُونَ ﴿١٨﴾﴾

"Ata flinin pak natën, ndërsa në agim
kërkonin falje (nga Allahu)."
(Kurani, 51: 17, 18)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

Aishja, Allahu qoftë i kënaqur me të!, thoshte: “Kur
hynte dhjetëditëshi (i tretë i Ramazanit), i Dërguari i
Allahut صلى الله عليه وسلم e shtrëngonte rripin, e gjallëronte natën
dhe e zgjonte familjen.”

[E SHËNOJNË BUHARIU DHE MUSLIMI.]

URTËSI

Sufjan eth Theuriu thoshte: “Më pëlqen që, kur të hyjë dhjetëditëshi i tretë (i Ramazanit), njeriu të falet natën, të japë mundin maksimal dhe ta zgjojë familjen e tij që të falen bashkë me të, nëse kanë mundësi ta bëjnë një gjë të tillë.”

DILEMË

Si të falem, kur falen edhe shumë njerëz të këqij (!)

Gjithsecili do të japë llogari për vetveten, andaj mos lejo që ndokush, kushdo qoftë ai, të bëhet shkak që ti të mos i zbatosh detyrat e tua ndaj Krijuesit. Fundja, njerëz të këtillë ka kudo, por askush nuk e lë punën e vet nëse në vendin ku punon ka njerëz të këqij.

KËSHILLË

Kur të hyjë dhjetëditëshi i fundit i Ramazanit, shfrytëzoje atë duke falur namaz dhe duke lexuar Kuran!

Mësimi i njëzetetretë

FAL NAMAZ NATE DHE SILLU MIRË ME NJERËZ

AJET KURANOR

Allahu i Madhërishëm thotë:

﴿وَالَّذِينَ صَبَرُوا ابْتِغَاءَ وَجْهِ رَبِّهِمْ وَأَقَامُوا الصَّلَاةَ وَأَنفَقُوا مِمَّا رَزَقْنَاهُمْ
سِرًّا وَعَلَانِيَةً وَيَدْرُءُونَ بِالْحَسَنَةِ السَّيِّئَةَ أُولَٰئِكَ لَهُمْ عُقْبَى الدَّارِ ﴿٢٢﴾﴾

"Dhe ata që durojnë për të fituar kënaqësinë e Zotit të tyre, që falin namazin, që ndajnë fshehurazi dhe haptazi nga ajo që ua kemi dhënë Ne dhe, që të keqen, e kthejnë me të mirë. Këtyre u takon shpërblimi në Shtëpinë e fundit."
(Kurani, 13:22)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“O njerëz! Jepni për të ngrënë, përhapeni selamin, ruani lidhjet farefisnore, faluni natën, kur njerëzit flenë, se do të hyni në Xhenet paqësisht.”

[E SHËNOJNË AHMEDI, TIRMIDHIU DHE
HAKIMI.]

URTËSI

Ibn Mesudi thotë: "Vlera e namazit të natës, krahasuar me atë të ditës, është si vlera e lëmoshës së fshehtë në raport me atë që jepet haptazi."

DILEMË

Do të falem sapo t'i rregulloj disa probleme (!)

Ai që mendon të falet vetëm pasi t'i mbarojë problemet, nuk do të falet kurrë, sepse problemet nuk përfundojnë asnjëherë. Posa të mbarojë një problem, shfaqet ndonjë tjetër. Prandaj, falu e mos të të mashtrojë shejtani! Falu, sepse namazi është çelësi i rregullimit të të gjitha problemeve!

KËSHILLË

Fal namaz natë dhe sillu mirë me njerëz, që të arrish grada të larta në Xhenet!

Mësimi i njëzetekatërt

LUTE ALLAHUN QË TË TË BËJË TY DHE FAMILJEN TËNDE NAMAZLINJ

AJET KURANOR

Allahu i Madhërishëm thotë:

﴿رَبِّ اجْعَلْنِي مُقِيمَ الصَّلَاةِ وَمِنْ ذُرِّيَّتِي رَبَّنَا وَتَقَبَّلْ دُعَاءِ﴾

"O Zoti im, bëj që unë dhe pasardhësit e mi të kryejmë përherë namazin! O Zoti ynë, na i prano lutjet!" (Kurani, 14:40)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Kur njeriu ngrihet dhe zgjon familjen e tij dhe falin dy rekate, ata shënohen në listën e atyre që e kujtojnë Allahun vazhdimisht.”

[E SHËNOJNË EBU DAVUDI DHE IBN MAXHE.]

URTËSI

Tantavi, lutjen e Ibrahimit عليه السلام, në ajetin e mësipërm, e komenton në këtë mënyrë: "O Zoti im, më bëj prej robërve të Tu të cilët e kryejnë namazin në kohën e vet me çiltërsi e duke qenë të përlurur dhe bëj nga pasardhësit e mi të atillë që do të më ndjekin mua."

DILEMË

S'kam nevojë të falem, se më mjafton që gjyshin e kam pasur haxhi (!)

Në Ditën e Gjykimit gjithsecili do të dalë para Allahut i vetëm për të dhënë llogari. Atij nuk do të mund t'i ndihmojë askush po që se i ka shpërfillur urdhrat e Zotit. Profeti Muhamed صلى الله عليه وسلم i thoshte bijës së vet, Fatimes: "Oj Fatime, shpëtoje veten nga Zjarri sepse unë nuk mund të të ndihmoj asgjë." Atëherë, si është puna me të tjerët?!

KËSHILLË

Lute Allahun që t'ju bëjë namazlinj, ty dhe familjen tënde!

Mësimi i njëzetepjestë

MOS LEJO QË IMANI YT TË VIHET NË PIKËPYETJE

AJET KURANOR

Allahu i Madhërishëm thotë:

﴿كُلُّ نَفْسٍ بِمَا كَسَبَتْ رَهِينَةٌ ﴿٣٨﴾ إِلَّا أَصْحَابَ الْيَمِينِ ﴿٣٩﴾ فِي جَنَّاتٍ
يَتَسَاءَلُونَ ﴿٤٠﴾ عَنِ الْمُجْرِمِينَ ﴿٤١﴾ مَا سَلَكَكُمْ فِي سَقَرٍ ﴿٤٢﴾ قَالُوا لَمْ نَكُ مِنْ
الْمُصَلِّينَ ﴿٤٣﴾﴾

“Çdo njeri është peng i veprave të veta, përveç njerëzve të krahut të djathtë; të cilët në kopshtet e Xhenetit pyesin njëri-tjetrin për keqbërësit: “Çfarë ju ka sjellë në Sekar (luginë në Xhehenem)?” Ata do të përgjigjen: “Nuk ishim nga ata që falnin namaz...””
(Kurani, 74:38-43)

THËNIE PROFETIKE

I Dërguari i Allahut, Muhamedi ﷺ, ka thënë:

"Ajo që na dallon ne nga ata (jobesimtarët) është namazi. Andaj, ai që e lë namazin, ka rënë në kufër (mosbesim)."

[E SHËNOJNË AHMEDI, TIRMIDHIU, NESAIU,
IBN HIBANI DHE HAKIMI.]

URTËSI

Omeri, Allahu qoftë i kënaqur me të!, thoshte:
"Nuk ka hise në Islam ai që nuk e fal namazin."

DILEMË

S'kam nevojë të falem, ngase më mjafton besimi në Allahun (!)

Ai që e beson Allahun me të vërtetë, u përgjigjet urdhrave të Tij. E si mund të jetë besimtar i vërtetë ai që nuk e zbaton as shtyllën kryesore të Islamit pas shehadetit (dëshmisë islame)?!

KËSHILLË

Dijetarët muslimanë kanë mospajtime përkitazi me atë se a mund të qubet musliman personi që nuk e fal namazin. Andaj, fale namazin dhe mos lejo që imani yt të vibet në pikëpyetje!

Mësimi i njëzetegjastë

PËRPIQU TA ZËSH NATËN E KADRIT ME NAMAZ, KURAN DHE LUTJE

AJET KURANOR

Allahu i Madhërishëm thotë:

﴿إِنَّ الَّذِينَ يَتْلُونَ كِتَابَ اللَّهِ وَأَقَامُوا الصَّلَاةَ وَأَنفَقُوا مِمَّا رَزَقْنَاهُمْ سِرًّا
وَعَلَانِيَةً يَرْجُونَ تِجَارَةً لَّن تَبُورًا﴾

"Pa dyshim, ata që lexojnë Librin e Allahut, falin namazin dhe japin fshehtazi apo haptazi nga ajo që u kemi dhënë Ne, mund të shpresojnë në një fitim që nuk do të humbasë."
(Kurani, 35:29)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë: “Atij që Natën e Kadrit falet me besim dhe duke llogaritur në shpërblim, do t’i falen mëkatet e kaluara.”

[E SHËNOJNË BUHARIU DHE MUSLIMI.]

URTËSI

Abdurrahman es Sadi ka thënë: "Namazi është shtylla e fesë, nuri i muslimanëve, peshorja e imanit dhe shenja e vërtetësisë së Islamit."

DILEMË

Unë e fal gjithmonë xhumanë, kjo mjafton (!)

Allahu na ka urdhëruar që t'i falim pesë namazet ditore e jo vetëm një namaz në javë. Së këndejmi, t'i përgjigjemi urdhrit të Zotit, sepse, fundja, Allahu nuk ka nevojë për namazin tonë, por ne kemi nevojë për të.

KËSHILLË

Përpiqu ta zësh Natën e Kadrit duke falur namaz vullnetar, duke lexuar Kuran dhe duke e lutur Atë për çfarëdo që dëshiron, sepse kjo natë vlen më shumë se një mijë muaj. Kërkoje atë në dhjetë netët e fundit të Ramazanit.

Mësimi i njëzeteshtatë

FALE NAMAZIN NË KOHË TË CAKTUAR

AJET KURANOR

Allahu i Madhërishëm thotë:

﴿إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَوْفُوتًا﴾

"Me të vërtetë namazi është detyrë
për besimtarët në kohë të caktuar."

(Kurani, 4:103)

THËNIE PROFETIKE

Abdullah ibn Mesudi, *Allahu qoftë i kënaqur me të!*, ka thënë: “E kam pyetur të Dërguarin e Allahut صلی اللہ علیہ وسلم se cila është vepra më e dashur tek Allahu i Lartësuar? Ai më është përgjigjur: “*Namazi në kohën e vet.*”

[E SHËNOJNË BUHARIU DHE MUSLIMI.]

URTËSI

Veki ibnul Xherrahu thoshte: "Ai që nuk kujdeset për namazin para se t'i hyjë koha, nuk i ka kushtuar rëndësi atij."

DILEMË

Është e pamundur të kujdesem për të gjitha namazet (!)

Allahu nuk ka bërë që koha e namazit të jetë shumë e ngushtë, aq sa do t'ia vështirësonte njerëzve kryerjen e tij në kohën e caktuar, por ka lënë kohë të mjaftueshme për çdo namaz. Pos kësaj, ka bërë edhe lehtësime të tjera, bie fjala, personi që është në udhëtim ose i sëmurë mund ta bashkojë namazin e drekës me atë të ikindisë dhe namazin e akshamit me atë të jacisë. Ndërkaq, kur ndokujt i ikën namazi për shkak të gjumit a të harresës, e fal atë sapo t'i kujtohet, gjë e cila nuk i shkruhet mëkat.

KËSHILLË

Fale namazin në kohën e tij të caktuar dhe në xhami, nëse ke ndonjë xhami afër!

Mësimi i njëzetetë

MERR AVDES MIRË DHE FALE NAMAZIN NË XHAMI

AJET KURANOR

Allahu i Madhërishëm thotë:

﴿إِنَّمَا يَعْمُرُ مَسَاجِدَ اللَّهِ مَنْ آمَنَ بِاللَّهِ وَالْيَوْمِ الْآخِرِ وَأَقَامَ الصَّلَاةَ وَآتَى
الزَّكَاةَ وَلَمْ يَخْشَ إِلَّا اللَّهَ فَعَسَىٰ أُولَٰئِكَ أَنْ يَكُونُوا مِنَ الْمُهْتَدِينَ ﴿١٨﴾﴾

"Faltoret e Allahut i vizitojnë dhe i mirëmbajnë vetëm ata që besojnë Allahun dhe Ditën e Fundit, që falin namazin dhe japin zekatin e që nuk i frikësohen askujt, përveç Allahut. Sigurisht që këta janë në rrugë të drejtë."
(Kurani, 9:18)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Kush pastrohet në shtëpinë e vet, e pastaj shkon në një prej shtëpive të Allahut (xhami), për ta kryer

njërin prej farzeve të Allahut, për çdo hap që bën, i shlyhet një mëkat, ndërsa hapi pasues ia lartëson gradën.”

[E SHËNON MUSLIMI.]

URTËSI

Muhamed ibn Vasiu thoshte: "Nuk ka mbetur në këtë botë asgjë më e mirë sesa namazi me xhemat dhe takimi me vëllezër."

DILEMË

Nuk mund të falem, se jam në shkollë, në punë a gjetkë (!)

Nëse dëshiron të falesh, Allahu do të ta lehtësojë të gjesh kohën dhe mundësinë për ta kryer namazin, sidomos kur dihet se nga njëri namaz në tjetrin ka kohë të mjaftueshme për kryerjen e tij.

KËSHILLË

Merr avdes mirë dhe fale namazin në xhami, në mënyrë që Allahu të t'i ngritë gradat në Xhenet!

Mësimi i njëzetëntë

ADHUROJE ZOTIN TËND DERISA TË TË VIJË VDEKJA

AJET KURANOR

Allahu i Madhërishëm thotë:

﴿فَسَبِّحْ بِحَمْدِ رَبِّكَ وَكُنْ مِنَ السَّاجِدِينَ ﴿٩٨﴾ وَاعْبُدْ رَبَّكَ حَتَّىٰ يَأْتِيَكَ
الْيَقِينُ ﴿٩٩﴾﴾

"Andaj, lartësoje Zotin tënd duke e
lavdëruar dhe bëhu prej atyre që i
përuhlen Atij duke u falur! Dhe
adhuroje Zotin tënd derisa të të vijë
vdekja!"

(Kurani, 15:98-99)

THËNIE PROFETIKE

I Dërguari i Allahut, Muhamedi صلى الله عليه وسلم, ka thënë:

“Robi është më së afërmi Zotit të vet atëherë kur
është në sexhde.”

[E SHËNON MUSLIMI.]

URTËSI

Ebul Hasen en Nedeviu ka thënë: "Namazi është streha dhe mburoja e muslimanit, është lidhja më e fortë dhe litari i zgjatur mes tij dhe Zotit të vet, në të cilin mbahet, është ushqimi i shpirtit, melhemi i plagëve, ilaçi i zemrës, mbështetja e të pambrojturit, siguria e të frikësuarit, forca e të dobëtit dhe arma e të paarmatosurit."

DILEMË

Bën edhe pa namaz, nuk është e domosdoshme që të falem (!)

Allahu nuk ka nevojë për namazin tënd, madje as besimtarët. Ai që ka nevojë për të je pikërisht ti. Në qoftë se e dëshiron lumturinë e kësaj bote dhe atë të botës së amshuar, atëherë duhet të falesh patjetër. Zgjedhja është në dorën tënde, pra, vendos vetë!

KËSHILLË

Lumturia e vërtetë qëndron në namaz dhe në adhurimin ndaj Krijuesit. Po e kërkoje gjetin, të jesh i bindur se nuk do ta gjesb kurrë.

Mësimi i tridhjetë

FALE NAMAZIN GJITHMONË ME PËRULJE

AJET KURANOR

Allahu i Madhërishëm thotë:

﴿قَدْ أَفْلَحَ الْمُؤْمِنُونَ ﴿١﴾ الَّذِينَ هُمْ فِي صَلَاتِهِمْ خَاشِعُونَ ﴿٢﴾﴾

"Me të vërtetë, janë të shpëtuar
besimtarët, të cilët janë të përvuilur në
namazin e tyre."
(Kurani, 23:1-2)

THËNIE PROFETIKE

Amaneti i fundit i të Dërguarit të Allahut ﷺ në
prag të vdekjes ishte: "*Namazin, namazin dhe ata që i
keni nën sundim!*"

[E SHËNOJNË AHMEDI DHE IBN MAXHE.]

URTËSI

Abdurrahman es Sadi ka thënë: "Përlësia në namaz është shpirti i namazit. Për namazin që nuk ka përlësi e as prani të zemrës, ndonëse është i vlefshëm dhe ka shpërblim edhe për të, shpërblimi jepet për aq sa është e përqendruar zemra në namaz."

DILEMË

Nëse falem do të më bëjë problem familja, shefi... (!)

Fale namazin dhe bëhu i patundur në këtë, pa marrë parasysh pengesat që mund të të dalin në fillim të kësaj rruge, sepse namazi, pa dyshim, është çelësi i suksesit, lumturisë dhe lehtësimit në çdo çështje. Dije, gjithashtu, se shumë nga pengesat që mund të të sillen në kokë në fakt janë vetëm imagjinare. Zbatoje detyrën tënde ndaj Mbretit të mbretërve, Krijuesit dhe Sunduesit të çdo gjëje, të Gjithëfuqishmit dhe lute Atë të t'i lehtësojë të gjitha çështjet, sepse Ai ka premtuar në Kuran se do të gjejë rrugëdalje për atë që i frikësohet Atij.

KËSHILLË

Fale namazin gjithmonë dhe duke qenë i përgjigjshëm gjatë kryerjes së tij, sepse kjo është rruga e suksesit, shpëtimit, lumturisë dhe shpërblimit madhështor!

PËRMBAJTJA

Parathënie	3
Namazi është lidhja e robit me Krijuesin.....	5
Fale namazin, që ta fitosh Xhenetin	7
Bëhu prej atyre që e falin sabahun	9
Përgatitu për Ditën kur do të japësh llogari	11
Si mendon të të shlyhen mëkatet pa u falur?.....	14
Asnjëherë mos e lër namazin e xhumasë	16
Mos lejo që pasuria dhe familja të të largojnë nga namazi.....	18
Kurrsesi mos e humb namazin e ikindisë	20
Fale namazin e sabahut dhe atë të ikindisë, që ta shohësh Zotin në jetën e amshuar	22
Nëse e dëshiron ndihmën e Allahut, fale namazin dhe ji i durueshëm	25
Fale gjithnjë me xhemat namazin e sabahut dhe atë të jacisë 28	
Fale namazin, që Allahu të t'i shlyejë gjynahet përmes tij	30
Çdo të premtë pastrohu, vishu bukur dhe fale xhumanë.....	33
Merr avdes, shko në xhami dhe falu duke qenë i përlulur	35

Namazi është shkak për tejkalimin e vështirësive	37
Jepja besën Allahut se do ta falësh rregullisht namazin.....	39
Fali pesë namazet ditore, që të jesh i lumtur në këtë botë dhe në tjetrën	42
Mësoje familjen tënde që të falin namazin	45
Asnjëherë mos e harro qëllimin e krijimit.....	47
Fale namazin, që është nur, e mos rri në terr.....	50
Dy rekate janë më të vlefshme se kjo botë dhe ç'ka në të	53
Kaloji netët e Ramazanit me namaz e lexim Kurani.....	55
Fal namaz nate dhe sillu mirë me njerëz.....	57
Lute Allahun që të të bëjë ty dhe familjen tënde namazlinj...	59
Mos lejo që imani yt të vihet në pikëpyetje	61
Përpiqu ta zësh Natën e Kadrit me namaz, Kuran dhe lutje.	64
Fale namazin në kohë të caktuar	66
Merr avdes mirë dhe fale namazin në xhami.....	68
Adhuroje Zotin tënd derisa të të vijë vdekja.....	70
Fale namazin gjithmonë me përunje.....	72

Katalogimi në botim – (CIP)

Biblioteka Kombëtare e Kosovës “Pjetër Bogdani”

28

Kastrati, Jusuf Hilmi

Për ty që (s')falesh / Jusuf Hilmi Kastrati.

Botimi i dytë. – Prishtinë

Shembulli, 2019. – 76 f.; 21 cm.

ISBN 978-9951-732-20-8